

Vun driweriwer

erscheint auf www.lenauheim.de

monatliche
Erscheinung

August 2017

von Helen Alba

Mitm IMS hin- un Mischtwaan hemzus

Mir ware zu eener Feier im Temeschwarer Adam-Müller-Guttenbrunn-Haus versammelt un heere ufmol e Akkordeon anschlaan. Rin kumm is de Vetter Hans, e Orzydorfer Schwob, der jetz in Deitschland lebt. Er hat scheen ufgspillt un derzugsung. Während eener Verschnaufpause heer ich ne saan: „Heitzutach is des nimi so wie frieher bei de Musikante. Selmols hat mer sei Gorgl noh Herzensluscht schmiere kenne, is zu Fuß hem gang. Oder wann mer noch hat kenne, mitm Bizikl gfahr. Jetzer, wu mer als Musikant mitm Auto unerwechs is, do muss mer sich zruck halle un sich mit Wasser de Dorscht lesche“.

Un so sin ich mitm Vetter Hans ins Gspräch kumm un er hat mer verzählt, wie dass es mol vor villi Johre de Orzydorfer Musikante ergang is: „Mir han in Kalotschi die Fasching gspillt. Hingfiehrt hat mer uns mit em IMS. Es war e feichtfrehliches Fescht un geger Morjet han mer de Marsch geblost un druf gewart, dass uns der IMS wie abgemacht wieder hemfiehre soll. Doch nix war vun dem Gfähr zu gsiehn. Die Leit aus Kalotschi han berotschlacht, wie mer die vier Kilometer bis Orzydorf schaffe selle, weil mer jo mied un matt ware. E Kutscher hat sich bereit erklärt, uns mit eem Leederwaan hem zu schaffe. Mir sin nuf gekrawwelt, es war ke anri Sitzgelegenheit, wie uns eenfach nuner zu sitze in dem Waan.

In Orzydorf ankumm hat jeder sei Hemwech ingschlaa. Wie mei Weib mich gsiehn hat, hats a schun zu zänkre anfang: Du stinkscht jo wie e Mischthaufe! Nit genuch, sich die Nacht um die Ohre zu schlaan un zu saufe! Wer weess wu der noch rumgfall seid! Un wie du ausschaue tuscht! Meiner Seel Hans, ufm Hinnertel vun dere Hose pickt jo e Kuhflarre.

Ich greif mit der een Hand ufs Sitzleder vun der Hos un han jo wirklich e Kuhtaaler in der Hand ghat. Erscht wie mer ausgeschloft ghat han, sin mir Musikante druf kumm, dass mer mit eem Mischtwaan hemgfiehrt gin sin“.

Ich han die Begebenheit in meim Hernkaschtl „gspeichert“ un derhem iwerleet, was dann e IMS sin kennt. Alles Nohdenke hat nix genutzt. Do is mer ingfall, der Vetter Nick aus Schanderhass, der jo in Kanada lebt un vill for die Pipatsch schreiwe tut, der weess vill vun frieher un kann mer vielleicht helfe. In ens zwaa han ich em e Mail gschrieb un prompt is die Antwort kumm. IMS, des bedeit „Întreprinderea Metalurgica de Stat“ un solchi „Aroähnlich“ Autos sin Ende der 50er Johre in Câmpulung Muscel hergstellt wore.